

XVIII Դ. ՀԱՅ ԱԶԱՏԱԳՐԱԿԱՆ ՊԱՅՔԱՐԻ ԴԵՐՈՇԸ

ԶԱԿԸՆ ԱՐՁՈՒՄԱՆՑԱՆ

XVIII դ. առաջին երեսնամյակի հայ ազատագրական պայքարը երբեք էլ հետադուրս չէր գնացել և մեր ժողովրդի պատմության այդ հերոսական շրջանը քննող գրեթե անընդհատ կենդանի գրականությունն արտացոլում է նրա համարյա բոլոր կողմերը: Մական, որքան էլ տարօրինակ է, հետադուրս չեն երևում ուշադրությունից լրիվել է ազատագրական պայքարի դրոշի հարցը, չեն անցել վավերագրերում կան դրա գոյությունը հավաստող մի շարք ուշագրավ տեղեկություններ: Առաջին տեղեկությունները վերաբերում են ազատագրական պայքարի արշալույսին: Հայ ազատագրական պայքարի մեծ երախտավոր Իսրայել Օրին առաջինն էր, որ 1699 թ. սեպտեմբերի 22-ով թվագրվող հուշագրում, որը հայտնի է «Պֆալցյան ծրագիր» անունով, սուղ քաշեց դրոշի անհրաժեշտության գաղափարը: Բավարիայի կուրֆյուրստին հղված այս փաստաթղթի հիմնված պարագրաֆում գրված է հետևյալը. «...ձեր կայսրնությունը բարձրությունն իր կողմից բավական նպաստած կլինի, եթե տա հազար ձիավոր զորք, հազար զրազուն, հարյուր զենազներ, քսանհինգ ռմբաձիգ... հարյուր զրոշակ, որոնք կներկայացնեն մի կողմից խաչնությունը և մյուս կողմից՝ սուրբ Գրիգոր Լուսավորչին և պատշաճ մակագրությամբ՝ հայերեն լեզվով: Դրանով ցույց ենք տալիս, որ այս լավ ժողովուրդը միշտ հուսացել է դուրս գալ գերությունից՝ խաչի զորությամբ և իր հովանավոր սուրբ Գրիգորի միջնորդությամբ: Դրոշակները պիտի բաժանվեն նահանգներում»¹:

Ինչպես տեսնում ենք, XVIII դ. սկզբի հայ ազատագրական պայքարի առաջին ծրագրային փաստաթղթում Իսրայել Օրին դրոշի նշանակությունը և անհրաժեշտությունը դիտում էր զինվորի, հրազենի և ռազմատեխնիկական այլ միջոցների հետ հավասարաթեք հարաբերության մեջ, նույնիսկ բացատրում դրա բարոյաբաղադրական նշանակությունը և նկարագրում ձեռք բերած, հայ ազատագրական պայքարի դրոշը պետք է ներկայացնեն պատմա, որի մի երեսին պատկերված էր լինելու Քրիստոսի խաչնությունը, իսկ մյուսին՝ Գրիգոր Լուսավորչի: Ինչպես նշում է Իսրայել Օրին, այն պետք է խորհրդանշեր հայերի՝ հանուն հավատի պայքարը Գրիգոր Լուսավորչի հովանավորությամբ:

Հայտնի է, սակայն, որ Իսրայել Օրին այս ծրագիրը եվրոպական որևէ պետություն պաշտոնական քննարկման հարց չդարձրեց և այն չունեցավ զործնական նշանակություն, բայց նրա հիմնական գրույթները դրվեցին հայ ազատագրական շարժման ծրագրային սկզբունքների հետագա մշակման հիմքում: Դրոշի գաղափարն արտահայտված է նաև Իսրայել Օրին երկրորդ՝ այսպես կոչված «Մոսկովյան ծրագրում» (1701): Այստեղ ևս Լուսաստանի օգնությամբ Հայաստանի ազատագրման համար պահանջվող ռազմատեխնիկական տարրեր

¹ Г. А. Эзов, Сношения Петра Великого с армянским народом, СПб, 1898, с. 29, հմտ. Լեո. Հայոց պատմություն, հ. III, գիրք 2, Երևան, 1973, էջ 49.

միջոցների հետ Իսրայել Օրին անհրաժեշտ էր գտնում, որպեսզի ռուսական բանակը բերեր նաև 6...100 ռազմական դրոշներ, որոնք պետք է բաժանվին մեր հայկական զինվորական մարդկանց... Իսկ այդ դրոշների վրա պետք է նկարված լինեն մի կողմում Տիրոջ խաչելությունը, իսկ մյուս կողմում՝ նորին ցարական մեծության գերբը¹։ Ինչպես տեսնում ենք, այս ծրագրում ազատագրական պայքարի դրոշի մեր որոշ փոփոխության է ենթարկվել, այսպես ասած «ռուսականացվել է», քանի որ «հովանավորության» հարցում սուրբ Գրիգորին փոխարինել է ռուսական գերբը։ Ինչ վերաբերում է հիմնական գաղափարին՝ խաչելությանը կամ խաչին, ապա երկու տարբերակներում էլ դա նույնն է մնացել, այսինքն, նույնն է մնացել հայերի՝ հանուն հավատի պայքարի խորհրդանիշը։

Ինչ խոսք, որ Իսրայել Օրու նման մտահոգացումը համապատասխանում էր ժամանակի ոգուն և ժողովրդի տրամադրվածությանը, Իրոք, եթե հայ ժողովրդական զանգվածներին լրիվ պարզ չէին ազատագրության սոցիալ-տնտեսական ու քաղաքական հետևանքները, ապա քրիստոնյա պետության օգնությամբ ազատագրվելու դեպքում տիրապետող ալլակրոն վարչակարգի կողմից ամենուրեք ու ամեն ժամ կիրառվող կրոնական հալածանքներից փրկվելու փաստը հասկանալի էր բոլորին։ Ավելին, հայերի ազատագրության գաղափարախոսությունը հենց պարտոված էր կրոնական ազատագրության շղարշով, մի բան, որ դեռևս համապատասխանում էր միջնադարի ոգուն, երբ «մասսաների զգացմունքները սնուցվում էին բացառապես կրոնական սննդով»²։ Պատահական չէ, որ ինչպես այդ, այնպես էլ հետագա շրջանի համարյա բոլոր աղերսագրերում հայ քաղաքական շրջանները, որպես կանոն, միշտ էլ շեշտում էին կրոնական հալածանքների սաստկությունը և ռուսական կառավարությանը համոզում իրենց դրանից ազատելու։ Այսպիսով, ինչպես տեսնում ենք, Հայաստանի ազատագրման դեռևս առաջին ծրագրերում նախատեսվում էր պայքարը մղել սեփական դրոշի ներքո, որը ժողովրդին պետք է համախմբեր կրոնական ազատագրության՝ մասսայականություն վայելող գաղափարով։

Ինչպիսի՞ր՝ ճակատագիր է ունեցել Իսրայել Օրու՝ հայ ազատագրական պայքարը սեփական դրոշի տակ մղելու գաղափարը։ Սյունիքի և Ղարաբաղի լեռներում մղված տեղական հերոսամարտերն ընթացել են, արդյոք, սեփական դրոշի տակ և եթե այո, ապա այն պահպանե՞լ է Իսրայել Օրու ծրագրած վերահիշյալ իմաստը, թե՞ ոչ։

Վավերագրային տեղեկություններ կան նաև այդ մասին։ Վերջերս հրապարակված արխիվային մի փաստաթղթի հավաստի վկայությունները հնարավորություն են տալիս XVIII դ. 20-ական թվականների ազատագրական կռիվներում սեփական դրոշի գոյության օգտին արժանահավատ եզրակացությունների հանգելու նշված վավերագիրը 1730 թ. հուլիսի 29-ին Կ. Պոլսի ռուսական սեյդիգենտ Ի. Ննալյունի՝ ցարական արքունիք հղած զեկուցագիրն է։

Այս զեկուցագրում ռուսական ռեզիդենտը հաղորդում էր, որ նույն թվականի հուլիսի 26-ին իրեն է ներկայացել սուլթանի պաշտոնական ներկայացուցիչը և հաղորդել ռուսական կողմին թուրքական կառավարության ներկայացրած ռազմաքաղաքական բնույթի մեղադրանքները, որոնցից մեկում ասված է

¹ Г. А. Эзов, *изд. архив. док.* № 43, § 1.

² К. Маркс и Ф. Энгельс, *Соч.*, т. 21, с. 314.

հետևյալը. «1. Թեզիզներուն (Ի. Նեպլյուին—Ձ. Ա.) իբր հայտնի է, որ, ըստ տրակտատի. Բ. Դոանը պատկանող սղնախներում ապրող հայ ժողովուրդն ըստ էության սահմանակից չէ Թուստտանին, սակայն քանի որ այդ լեռնային տեղանքն ամուր է, այդ իսկ պատճառով այդ ժողովուրդները Բ. Դոանը բռնորոշին հպատակություն չեն ցուցաբերել, որոնց դեմ և, նրանց հնազանդեցնելու նպատակով, մեր կողմից բազմիցս զորք ենք ուղարկել, ինչպես և հիմա Կյանջայի Իբրահիմ-փաշան է զորք ուղարկել, որին նրանք զիմադրել են, ունենալով ուսումնական կաշարության պոռններ, սակայն ի վերջո պարտվել են և նրանցից խլվել է հրկուսը, որոշ մարդիկ զերի են վերցվել ու հարցաքննվել. ինչպես նաև նրանց մոտ գտնվել են հայերեն լեզվով նամակներ այն թղթակցությունից, որ նշանք ունեցել են զենքերով Թուսմանցեի մոտ գտնվող մյուս հայերի հետ: Նրանց մոտ նաև գտնվել են ուսումնական արբունիքի կողմից տրված երեք անձնագիր և, ընդ որում, ինչպես հայերին նախկինը, այնպես էլ ուսումնական և անագրերը սեղիզներուն են հաղորդվել և դրոշներն էլ ցույց են տրվել: Դրանցից մեկը սպիտակ մետաքսի վրա է ուսումնական գերբով, բայց այդ զեբբու տարրերով է նրանով, որ սպիտակ ֆոնի վրա խառնվել է լիարմիր արծիվ և որտեղ պոխներն են երկնազուգում՝ այստեղ խաչ է: Երեքից և թուփից վերև՝ առաջ, սարածության վրա, մի քանի խաչեր են և թուղ սուրբ հոգու կերպառանքով ազգանի: Բացի այդ, վերին անկյունում երկնազույն գնդաձև փայտե կոխով դրոշային պղնձաձույլ գեղարդ է, որի մեջտեղում խաչ է: Մյուս դրոշը խաչերով է և աստղերով, նույնպիսի կտորի վրա, նույնպիսի գեղարդով, միայն առանց գերբերի»:

Թուսական ուղիղներ, իհարկե, հերքել է ներկայացված մեղադրանքները: Քանի որ այդ հերքումը ևս քննվող հարցի լուսաբանման համար կարևոր փաստեր է պարունակում, ուստի մեջբերենք նաև այն. «2... Բ. Դոանն իրեն հայտնի է, որ մինչև այսօր նորին կայսերական մեծության արքունիքից սղնախների հայերին ոչ մի օգնություն ցույց չի տրվել ոչ մարդկանցով, ոչ զենքով, ոչ դրամով. ոչ հանդերձներով և իրողությունն այն է, որ կայսերական արքունիքը հայերի որպես Բ. Դոան ենթակաների, գործերին չի խառնվել և չի խառնվում: ...Իսկ ինչ վերաբերում է դրոշներին [այսպե՛ս] նրանք կայսերական արքունիքից չեն ուղարկված և իրենք են վկայում, որ չեն համընկնում ուսումնական զերբին. որի հաստատման համար ուղիղները Բ. Դոան թարգմանչին տրվեց ուսումնական դրոշմված զերբը և դրոշները (ուսումնական—Ձ. Ա.) ու միաժամանակ ասաց, որ այն (Բ. Դոան ներկայացրած—Ձ. Ա.) դրոշները հայերն իրենք են պատրաստել...»⁶:

Բ. Նեպլյուին մերժողական պատասխանը դիվանագիտական բայց էր և նպատակ ունի շարժելու այն հարաբերությունները, որ գոյություն ունեին Թուստտանի և Թուրքիայի միջև, համաձայն 1724 թ. նրանց միջև կնքված տրակտատի: Ինչ խոսք, Թուսական կառավարությունը շահագրգռված էր հայ ազատագրական շարժմամբ և հնարավոր բոլոր միջոցներով ձգտում էր խրախուսել այն:

⁶ «Армяно-русские отношения во втором тридцатилетии XVIII века», т. III, Ереван, 1978, док. № 5.

⁷ Նույն տեղում:

Ի. Ննպլյունի գեկուցագիրը խնդրո առարկա հարցի կառավարությանը ավելի բան ուշադրավ է: Պարզվում է, որ XVIII դ. 20-ական թվականների հերոսամարտերում հայկական սղնախներն ունեցել են մարտական դրոշներ, մի հանգամանք, որը պետք է ավելի համառ ու տևական բնույթ տար թուրքական ռազմակալման դեմ հայերի փոքրաթիվ ուժերի դիմադրությանը: Պատահական չէ, որ թուրքական պատվիրակը ինքն է շեշտել, որ սղնախների պաշտպանները Ո. Դուանը բացարձակ հպատակություն չեն ցուցաբերել:

Որտեղից կարող էին այդ դրոշները հայտնվել սղնախներում, առնչություն ունենալ, արդյոք, դրանք Իսրայել Օրու ծրագրերում նախատեսվածների հետ և հիմն այո, ապա դրանցից ո՞րը կարող էր լինել հայ ապստամբների մարտական դրոշը:

Ի. Ննպլյունի նկարագրած և Իսրայել Օրու ծրագրած դրոշների համեմատությունից պարզվում է, որ թուրքերի դրաված առաջին դրոշն ընդհանրություններ ունի «Մոսկովյան ծրագրով» նախատեսվածի հետ: Նրկու դրոշների համար էլ ընդհանուր են ռուսական գերբը և խաչը, միայն տարբեր դասավորությամբ: Եթե Իսրայել Օրու նախատեսած դրոշի վրա խաչը և ռուսական դերբը պատկերվելու էին պատաստի տարբեր երեսներին, ապա գրավված դրոշի վրա այդ երկու խորհրդանիշները պատաստի նույն երեսին են: Իրանց տարբերությունն այն է, որ գրավված դրոշի վրա ավելացված է սուրբ հոգին խորհրդանշող աղավաղված և գերբի այն մասում, որտեղ պետք է երկճյուղվեն արծվի զլուխները՝ միայն խաչ է: Ինչպես տեսնում ենք, գրավված դրոշը բովանդակում է Իսրայել Օրու նախատեսած բոլոր խորհրդանիշները՝ խաչ (խաչելություն), ռուսական գերբ, սուրբ ուժի միջամտություն՝ միայն դրանց բանակի և դասավորության տարբերությամբ: Այլ կերպ ասած, սա Իսրայել Օրու առաջարկած դրոշն է՝ մասնակի ձևափոխությամբ:

Ամենայն հավանականությամբ սա «ներմուծված» դրոշ էր, մեկը նրանցից, որոնք նախատեսված էին Իսրայել Օրու «Մոսկովյան ծրագրում»: Այդ դրոշները որոշ փոփոխություններով պատրաստվել էին Ռուսաստանում և քաղաքական նպատակներով բերվել Հայաստան: Եվ իրոք, այդ դրոշի պատրաստման հետ կապված տեխնիկական բարդությունները բացառում են դրա՝ Ղարաբաղում կամ Այունիքում պատրաստված լինելը: Այժմ տեսնենք, թե այդ դրոշը կարո՞ղ էր, արդյոք, հայ ազատագրական պայքարի խորհրդանիշ ծառայել: Կարծում ենք, որ ոչ և ահա թե ինչու:

Բանն այն է, որ XVIII դ. 20-ական թվականների ազատագրական կռիվները հայերը մղում էին պարսկական տիրապետության թոթափման և ապա թուրքական ռազմակալման դեմ: Հայտնի է նաև, որ այդ պայքարն ընթանում էր հայերի ռուսական կողմնորոշման պայմաններում, մի հանգամանք, որն ազատագրական շարժման ղեկավարները աշխատում էին խիստ զաղտնի պահել: Դա հետապնդում էր երկու նպատակ. նախ, բթացնել հակառակորդի զգոնությունը՝ հայերի դինված պայքարում ռուսական կառավարության շահագրգռվածության հարցում, և հետո, գաղտնի պահել հենց իրենց՝ հայերի, ակնկալությունները ռուսական խոստացվող օգնությունը ստանալու գործում: Իսկ դա, վերջին հաշվով, հանգում էր նրան, որ հայերը դրանով ձգտում էին մեղմացնել, ավելի, կասեցնել հակառակորդի ակտիվ ռազմական գործողությունները, նախքան ռուսական զինական օգնություն ստանալը: Դիվանագիտական այսպիսի քայլերի մասին վկայում են հենց իրենք՝ հայերը, ռուսական իշխա-

նություններին հղած բազմաթիվ նամակներում և խնդրագրերում¹ նման պայմաններում խելամիտ շէր լինի հայ ազատագրական պայքարի օջախներում պարզելու ռուսական զորքը կրող և, ռուսական պետության շահագրգռվածությունն արտացոլող դրոշմ Այդ դրոշին վիճակված էր խաղալու այլ զորք Մեր կարծիքով այն խորհրդանշում էր ռուսական կառավարության՝ հայերին օգնելու և նրանց իր հովանու տակ առնելու պատրաստակամությունը, այսինքն, դա ևս մի փաստավորված էր այդ հարցում կամ հայերը նման հավաստագրումների արտահայտությունը տեսնում էին զրա մեջ, Հետևաբար, այս դրոշը, Պյոտր I-ի և Եկատերինա I-ի հրովարտակների հետ հայ քաղաքական շրջանների համար ծառայում էր որպես խթան՝ ազատագրական շարժման տեականությունն ու քաղաքական հիմքերի կայունությունն ապահովելու հարցում և կոչված էր հավաստի գույներով ներկելու խոստացված ռուսական օգնությունը ստանալու հայերի ականակությունները։ Ռուսական կառավարության նման հավաստագրումները հայերի համար այնքան իրական էին հնչում, որքան այդ օգնությունն։ Դնտրավորությունները (ռուսական զորքերը գտնվում էին երկու քայլի վրա՝ Երեւանից շրջաններում) և դրանից էլ բխող հայերի ականակություններն այնքան առօրյա ու անմիջական էին, որ ռուսական զորքը կրող դրոշի գոյությունը հայ ապստամբները կդիտեին որպես օրինալագություն։ Տրամաբանական է, որ նրա գործնական նշանակությունը պետք է ուղիղ համեմատական արաբերության մեջ գտնվեր Անյրկովկասում ռուսական զորքերի առաջխաղացումների հետ։ Նման պարագայում հայերն այդ դրոշը պիտի պարզեին իրենց շարժմանը քաղաքական գունավորում տալու նպատակով միայն։ Այսինքն, եթե ռուսական զորքերը մտնեին Հայաստան և տեղի ունենար հայ-ռուսական զինական ուժերի միավորում կամ ռուսական զորքը գրավեր Շամախին և հայկական ուժերը գնալին նրան ընդառաջ, ապա այդպիսի պարագայում հայերի պարզած ռուսական տարբերանշանով դրոշը պետք է խորհրդանշեր հայկական զորքի ռուսական կողմնորոշման փաստը։ Բայց քանի ղեռ բացուկություն էր այդ իրողությունը, ապա չպետք է զգացվեր նաև այդ դրոշի օգտագործման անհրաժեշտությունը։

Ինչպես տեսանք, Ի. Նեպլյուցի գեկուցագրում խոսվում է նաև թուրքերի գրաված մի այլ դրոշի մասին։ Վերհիշենք գեկուցագրի միայն մեկ նախագաղություն կազմող այդ վկայությունը. «Մյուս դրոշը իսաչերով է և աստղերով, նույնպիսի կտորի վրա, նույնպիսի գեղարդով, միայն առանց գերբերի»։ Այս դրոշը շատ բաներով է տարբերվում նախորդից։ Մրա վրա չկար ո՛չ ռուսական զորքը և ո՛չ էլ վար սլացող աղավինին, այսինքն, այս դրոշը նույն գեղարդի վրա տարբերված սպիտակ մետաքսի եռանկյունաձև պաստառ էր, որի վրա պատկերված էին իսաչեր և աստղեր։ Սա տարբերվում է նաև Իսրայել Օրու ծրագրերում առաջարկված օրինակներից։ Միայն նույնն է այն, ինչն ընդհանուր էր ֆեդդալիզմի ժամանակաշրջանին վերաբերող դրոշների ընդհանրապես՝ խաչը։ Այս դրոշի վրա պատկերված խորհրդանիշերը ևս համահնչուն էին հայերի ազատագրության նպատակներին։ Խաչը, ինչպես տեսանք, խորհրդանշում էր հանուն հավատի ազատագրության հայերի պայքարը և այդ բնագավառում հոգևոր

¹ Г. А. Эзов, *изд. архив. фак.* № 210, 211, 232, 236, 240, 248, 249, 273, 274, 276, 277, «Армяно-русские отношения в первой трети XVIII века», т. II, ч. I, Ереван, 1964, док. № 163; т. II, ч. II, Ереван, 1967, док. № 209.

ուժերի հովանավորությունը, իսկ աստղերը, ամենայն հավանականությամբ պետք է արտահայտեին ազատության գաղափարը:

Ելնելով այս խորհրդանիշների իմաստից, կարող ենք համոզված ասել, որ այս դրոշն ավելի է համապատասխանում հայ ազատագրական շարժման գաղափարախոսության ավանդույթներին (Խորայել Սրու Նախատեսած դրոշի նախագաղափար տարբերակին՝ մի երեսին խաչելություն, իսկ մյուսին՝ Գրիգոր Լուսավորիչը), քան ռուսական տարբերակով ստեղծված ու սղնախներ բերված օրինակը: Եվ դա նաև տրամաբանական է: Եթե հայերը բնական էին համարում ռուսական զենքի օգնությամբ ազատագրվելու հնարավորությունը, ապա այդ արինաչափությունը նրանք հասկանում էին ճորիստոնական աիկերական մարդասիրության՝ սկզբունքով միայն, որպես ցանկացած քրիստոնյա պետություն պարտականություն՝ հավատակից ժողովուրդներին ալլակոն վարչակարգից ազատագրելու հարցում: Դա լնդունվում էր որպես ինքնին ճշմարտություն ու պատմականորեն չլուծված հարցերի շարքում կանգնած էր առաջին պլանում և իր հրատապությամբ ու վիթխարի դրվածքով փակում էր ազատագրման սոցիալ-տնտեսական ու քաղաքական հետևանքները դիտելու հայերի տեսադաշտը: Ուստի հայերի պայքարի դրոշը ևս պետք է արտացոլեր այս ավանդույթը և ռուսական պետությունն արտացոլող դրոշը ոչ միայն չէր կարող հայ ազգային-ազատագրական պայքարի խորհրդանիշը դառնալ, այլ նաև հայերն այդպիսի դրոշի գոյության պայմաններում պետք է ստեղծեին նաև սեփականը, այնպիսին, որն ավելի համապատասխաներ իրենց ձգտումներին: Պարզ ու նստակ էր հայ ազատագրական շարժման նշանաբանը, այդպես պարզ ու հստակ էին նաև այս դրոշի խորհրդանիշները: Այն զերծ էր նախորդների բազմախորհուրդ և բազմիմաստ բարդություններից: Յուրաքանչյուր հայի համար այստեղ պարզ ու հասկանալի էր խաչի և աստղերի իմաստը: Բացի այդ, ի տարբերություն առաջինի, այս դրոշի պատրաստման համար հայ լեռնականների նախապեսական տեխնիկական պայմանները բավարարում էին, քանի որ դա ևս բարդությունների հետ չէր կապված՝ պահանջվում էր փայտե կոթ հագցրել սեփական միջոցներով կռված պղնձյա կլոր զեղարդին (կենտրոնում խաչ) և դրան կապել սպիտակ մետաքսե եռանկյունի կտոր, որի վրա նկարված են պարզունակ խաչը և աստղերը: Մի բան, որ լավ թե վատ կարող էին անել ցանկացած լեռնային գյուղում, և այդպիսի դրոշ կարող էր ունենալ յուրաքանչյուր սղնախ: Եվ սղնախներն էլ ազատորեն, իուրեք իրենց արարքի քաղաքական հետևանքների մասին մտածելու և դիվանագիտական խնդիրներ շուշափելու, կարող էին ամրությունների վրա պարզել հենց այս՝ հանուն հավատի պայքարը խորհրդանշող դրոշը: Հայերի նման արարքը և՛ պարսիկները, և՛ թուրքերը կհամարեին օրինաչափ երևույթ:

Այս բոլորը արդյոք չե՞ն խոսում այն մասին, որ 1730 թ. ամռանը գրավված դրոշներից հենց սա է եղել հայ ազատագրական պայքարի դրոշը: Մեր եղրահանգումներին, կարծում ենք, կօգնի նշված ժամանակաշրջանի դրոշների վերաբերյալ մի վերջին փաստարկ ևս, կապված դարձյալ Խորայել Սրու անվան հետ: Հայտնի է, որ Պարսկաստան կատարած ղեկավարական արշավներից Ռուսաստան վերադարձի ճանապարհին Խորայել Սրին կատարախանում 1711 թ. դե-

դակուր եղավ⁷։ Նրա ունեցվածքի մնացորդները ցուցակագրվեցին և հանձնվեցին Պոստլսկի պրեկապո Այլ իրերի հետ զրանցվեցին նաև «...մետաքսե երեք դրոշ, այդ թվում մեկի վրա թագավորի (ռուսական—Ձ. Ա.) գերբը, մյուսի վրա Հոռմի պապի գերբը, երրորդի վրա նրա՝ պատվիրակի, գերբը, (մեկ) մետաքսե կարմիր դրոշ... 2 բլդյա (շալի) մեծ դրոշակ...»⁸։ Ինչպես տեսնում ենք, Իսրայել Օրու մոտ եղած դրոշների այս «հավաքածուի» մեջ չկա սպիտակ մետաքսից պատրաստված խաչերով ու աստղերով վերոհիշյալ դրոշը։ Այն որ դրոշներից մեկը պապի գերբն է կրում, ինքնին հասկանալի է, քանի որ Իսրայել Օրին պարսկական շահի մոտ էր գնում պապի պատվիրակի անվան տակ և նրա հանձնարարականով, հետևաբար նա իր հետ պետք է ունենար նաև նրա դրոշը՝ որպես իր առաքելության խորհրդանիշ։ Այս դրոշը հայ ազատագրական շարժման հետ ոչ մի առնչություն չէր կարող ունենալ թեև ուղիղ այն պատճառով, որ եվրոպական երկրների միջոցով ազատագրվելու գաղափարն արդեն կենսունակ չէր հայ քաղաքական շրջաններում, և դրա փոխարեն լուսալույսն այսին էր մղվել Խուսաւստաի միջոցով ազատագրվելու հեռանկարը։ Ուստի նման դրոշը հայ ազատագրական շարժման օջախներում թողնելն անիմաստ կլիներ։

Խուսական գիրքը կրող դրոշն ամենայն հավանականությամբ Իսրայել Օրու՝ հայ ազատագրական շարժման համար նախատեսածից էլ, Ինչ մնում է Իսրայել Օրու սեփական գերբը կրող և նրա ղեկավարական անձը ներկայացնող դրոշին, ապա հազիվ թե այն ազատագրական շարժումը խորհրդանշող բովանդակությամբ հայտնվեր սղնախներում։ Բացի այդ, այսպիսի դրոշը Իսրայել Օրին կարող էր ունենալ մեկ կամ երկու հատ, որոնցից մեկը կարող էր պարզած լինել իր իջևանի վրա, իսկ մյուսը պահել պահեստի ձևով։ Վերջապես, մյուս դրոշների՝ մի ղեկարգում գույներ (կարմիր), մյուս ղեկարգում կտորի որակը (շալ) ևս ինքնին բացատրում են սրանց և վերը նկարագրված դրոշների նույնացումը։

Այս բոլորը շեղ խոսում, արդյոք, այն մասին, որ Իսրայել Օրին տեղյակ էր թուրքերի գրաված երկրորդ դրոշին։ Այդ դրոշը հավանաբար պատրաստվել է հետագայում, ազատագրական կռիվների շրջանում։ Այնպես Իսրայել Օրին ինչ՞ե՞նչ պիտի իր մոտ ունենար նաև այդ դրոշը, թեև ուղիղ ռուսական կառավարությանը ցուցադրելու նպատակով, որպես հայերի ռուսական կողմնորոշման ապացույց, որի համար նա այնքան մեծ ջանքեր էր թափում։ Հետևաբար, այդ դրոշը պատրաստել են իրենք՝ հայերը, տեղում և հենց դա էլ եղել է XVIII դ. 20-ական թվականների հայ ազատագրական շարժման մարտական դրոշը։ Այն պատրաստվել էր ղեկուս դարասկզբին Իսրայել Օրու սուաջադրած գաղափարով, որը և վկայում է հայ ազատագրական շարժման ծրագրային սկզբունքների և 20-ական թվականներին բռնկված բացահայտ զինված պայքարի միջև եղած արգանական կապի մասին։

7 Ձ. Ա. Արզումանյան, XVIII դարի 20-ական թվականների հայ ազատագրական շարժման պատմությանից (նոր վավերագրեր), («Պատմության արցեր», Երևան, 1978, էջ 213—227)։

8 «Армяно-русские отношения в первой трети XVIII века», т. II, ч. I, док. № 140.

ЗНАМЯ АРМЯНСКОГО ОСВОБОДИТЕЛЬНОГО ДВИЖЕНИЯ XVIII в.

ЗАВЕН АРЗУМАНЯН

Резюме

Вопрос о знамени армянского освободительного движения начала XVIII в. до сих пор не привлекал к себе внимания исследователей. Ряд достоверных документальных материалов явствует, что в программных основах армянского освободительного движения лежала идея о необходимости знамени борьбы.

Сравнение знамени, предполагаемого в программах Исраэла Ори, со знаменем, найденным после его смерти в его личных вещах, и со знаменем, захваченным турками в синахах в 1730 г., показывает, что знамя освободительной борьбы армянского народа начала XVIII в. представляло собой треугольное шелковое полотнище белого цвета, укрепленное на деревянном древке с копьём. На полотнище были изображены звезды и крестики.